

গণপ্রজাতন্ত্রী বাংলাদেশ সরকার  
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২।

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ [info@iedcr.gov.bd](mailto:info@iedcr.gov.bd); [ncov@iedcr.gov.bd](mailto:ncov@iedcr.gov.bd) ওয়েবসাইটঃ [www.iedcr.gov.bd](http://www.iedcr.gov.bd)

২২ ফেব্রুয়ারি ২০২০ইং

## সংবাদ বিজ্ঞপ্তি

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ, সিঙ্গাপুর, দক্ষিণ কোরিয়া, জাপান ও আরব আমিরাতে পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

*সাম্প্রতিক সময়ের কিছু ঘটনায় আমাদের বক্তব্য*

COVID-19 সংক্রমণ বিষয়ে সরকারী-বেসরকারী বিভিন্ন সংস্থা, সংগঠন, গোষ্ঠী তথা সর্বস্তরের জনসাধারণের সচেতনতা আমরা খুবই ইতিবাচক হিসেবে গণ্য করছি। আমরা আশাবাদী যে, বিভিন্ন সংস্থা-গোষ্ঠী-ব্যক্তির সক্রিয় সহযোগিতায় COVID-19 সংক্রমণ সনাক্তকরণ কর্মসূচি সফল হবে।

কিন্তু ভুল পদ্ধতিতে ও বিভ্রান্তিকর তথ্য ও গুজব দ্বারা প্রভাবিত হয়ে অস্থিরতা ও অধৈর্য নিয়ে কাজ করতে গেলে COVID-19 সংক্রমণ কর্মসূচিটিই প্রশ্নের সম্মুখীন হতে পারে। এ ধরনের তৎপরতার কারণে বাংলাদেশে বেশ কয়েকটি অনাকাঙ্ক্ষিত ঘটনা ঘটেছেঃ

- সন্তান COVID-19 সংক্রমিত হয়েছে এ গুজব শুনে একজন মায়ের দুঃখজনক মৃত্যু
- সন্দেহজনক COVID-19 সংক্রমিত ব্যক্তির প্রতি অপরাধী আসামীর মত আচরণ করা
- চীন ফেরত বাংলাদেশের ও চীনের নাগরিকদের প্রতি অসম্মানজনক আচরণ করা, যেমনঃ বাড়ী ভাড়া না দেয়া বা ভাড়া বাড়ীতে উঠতে না দেয়া
- সীমান্ত বন্দরে দায়িত্ব পালনরত একজন সরকারী কর্মকর্তা কর্তৃক সন্দেহজনক COVID-19 সংক্রমিত একজন বিদেশ ফেরত যাত্রীর ব্যক্তিগত গোপনীয় তথ্য জনসমক্ষে প্রকাশ করা

কোন ব্যক্তি COVID-19 সংক্রমিত কিনা তা নিশ্চিত করার ও প্রকাশ করার সরকার নির্ধারিত প্রতিষ্ঠান হচ্ছে আইইডিসিআর। সীমান্ত বন্দরসমূহসহ দেশের অভ্যন্তরে বিভিন্ন স্থান থেকে সন্দেহভাজন COVID-19 সংক্রমিত ব্যক্তিদের ল্যাবরেটরি পরীক্ষার ফলাফল তাদের ব্যক্তিগত গোপনীয়তা রক্ষা করে আইইডিসিআর প্রতিদিন সংবাদ সম্মেলন ও সংবাদ বিজ্ঞপ্তির মাধ্যমে প্রকাশ করে আসছে। COVID-19 সন্দেহভাজন ব্যক্তিদের নিয়ে (স্বাস্থ্য পরীক্ষা ব্যতীত) ভিন্ন কাজের দায়িত্বপ্রাপ্ত ব্যক্তিদের অতি উৎসাহ বা বাড়াবাড়ি সন্দেহজনক দেশী-বিদেশী নাগরিকদের বিশেষ করে বিদেশ ফেরত যাত্রীদের বিব্রতকর অবস্থায় ফেলেছে। নিজের ব্যক্তিগত ও সামাজিক নিরাপত্তা বিপন্ন হবার ভয়ে সন্দেহজনক COVID-19 সংক্রমিত ব্যক্তি তার তথ্য ও অবস্থান গোপন করতে পারেন। সেটা হবে COVID-19 মহামারী প্রতিরোধ কার্যক্রমে বাংলাদেশের জন্য বড় দুর্বলতা। এ ধরনের

বিপজ্জনক পরিস্থিতি এড়াতে সংশ্লিষ্ট সকলকে সহমর্মিতা এবং সংবেদনশীল মনোভাব নিয়ে স্ব স্ব দায়িত্ব পালন ও যে কোন জিজ্ঞাস্য আইইডিসিআর COVID-19 নিয়ন্ত্রণ কক্ষ কিংবা স্থানীয় সিভিল সার্জন বা উপজেলা স্বাস্থ্য ও পরিবার পরিকল্পনা কর্মকর্তা-র কাছ থেকে জেনে নিতে অনুরোধ জানাচ্ছি।

### বিশ্ব পরিস্থিতি

বিশ্ব স্বাস্থ্য সংস্থার প্রতিবেদন অনুযায়ী এখন পর্যন্ত বিশ্বে সর্বমোট সনাক্তকৃত COVID-19 আক্রান্ত রোগীর সংখ্যা ৭৬,৭৬৯ (গত ২৪ ঘন্টায় নতুন রোগী ১০২১)। মোট সনাক্তকৃত রোগীর মধ্যে চীনে আক্রান্ত রোগীর সংখ্যা ৭৫,৫৬৯ জন। আক্রান্ত রোগীর মধ্যে মোট মৃতের সংখ্যা ২২৪৭ জন।

### বাংলাদেশ পরিস্থিতি

আইইডিসিআর-এর ভাইরোলজি ল্যাবরেটরিতে সন্দেহজনক COVID-19 আক্রান্তদের নমুনা পরীক্ষা করে এ যাবত কারো নমুনাতে COVID-19 পাওয়া যায় নি।

### চীনের উহান ফেরত ৩১২ জন যাত্রীগণ সবাই সুস্থ

৩১২ জন উহান ফেরত যাত্রীদের কোয়ারেন্টিন পরবর্তি আরো ১০ দিন ৩১২ জনকে সীমিত চলাচল ও নিজেদের স্বাস্থ্য পরিস্থিতি অবহিত করতে আইইডিসিআর-এর সাথে নিয়মিত যোগাযোগ রাখার পরামর্শ দেয়া হয়েছে। তাদের প্রতি নির্দিষ্ট নির্দেশনা দেয়া হয়েছে। তাদের কেউ কেউ হটলাইনে নিয়ন্ত্রণ কক্ষের সাথে যোগাযোগ করেছেন, নিয়ন্ত্রণ কক্ষ থেকেও তাদের সাথে যোগাযোগ রক্ষা করা হচ্ছে। তারা সবাই সুস্থ আছেন।

### সিঙ্গাপুর পরিস্থিতি

সিঙ্গাপুরে বাংলাদেশ দূতাবাস থেকে প্রেরিত সর্বশেষ খবরে আমরা জানতে পেরেছি যে, মোট ৫ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন আইসিইউ-তে আছেন। কোয়ারেন্টিনে আছেন ৫ জন বাংলাদেশের নাগরিক। বাংলাদেশে সিঙ্গাপুরের দূতাবাস থেকেও আমাদেরকে সিঙ্গাপুর পরিস্থিতি সম্পর্কে নিয়মিত অবহিত করা হচ্ছে।

### সংযুক্ত আরব আমিরাত পরিস্থিতি

আমিরাতে বাংলাদেশের একজন নাগরিক COVID-19 আক্রান্তের খবর পেয়েছি। আমরা পররাষ্ট্র মন্ত্রণালয় ও আমিরাতে বাংলাদেশ দূতাবাসের সাথে সার্বক্ষণিক যোগাযোগ রাখছি।

### COVID-19 সংক্রান্ত সর্বশেষ পরিস্থিতিঃ (স্ক্রিনিংকৃত যাত্রীর সংখ্যা) (২২ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট স্ক্রিনিংকৃত যাত্রীর সংখ্যা	১৬৭১৯	২৭৩৫৭৩
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত স্ক্রিনিংকৃত যাত্রীর সংখ্যা*	৯২৬৭	১৩২৮৮৩
স্ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) স্ক্রিনিংকৃত যাত্রীর সংখ্যা	২২৪	৩১৮৩
ঢাকা ক্যান্টনমেন্ট রেলওয়ে স্টেশনে স্ক্রিনিংকৃত যাত্রীর সংখ্যা	৩৬৯	২৪০৩

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
অন্যান্য চালু স্থলবন্দরগুলোতে ফ্রিনিংকৃত যাত্রীর সংখ্যা	৭০৮৩	১৩৮২৮৭

\* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ফ্রিনিং করা হচ্ছে।

\*\* কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

#### COVID-19 সংক্রান্ত সর্বশেষ পরিস্থিতিঃ (২২ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	৫৯	২৭৫৮
আইইডিসিআর হটলাইনে COVID-19 সংক্রান্ত মোট কলের সংখ্যা	৪৫	২০৫১
আইইডিসিআরএ আগত COVID-19 সংক্রান্ত মোট সেবা গ্রহীতার সংখ্যা	২	১১০
COVID-19 পরীক্ষা করা মোট নমুনার সংখ্যা	০	৭৭
নিশ্চিতকৃত COVID-19 রোগীর মোট সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

#### শ্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/ কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/এ

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০